

鄧州志卷之二十四

古延蔣光祖振襄氏纂修

雜紀

祥異

兵變

自洪範以五事徵休咎而王及卿士師尹各以歲月
日省之後世五行傳志皆本於此雖其說不無附會
然人事美惡之極與天地相流通其理固不可誣矣
世運遷革治亂循環民生其間或不幸罹兵戎之變
始未嘗不疆宇分裂而後乃歸於一統地處要害皆
所必爭雖一方之事而天下之勢亦大畧可觀焉後
之君子非獨可以觀古今考得失亦各因其職之大



小而盡修省之道豫儆戒之方未可泛焉而忽視之
也志雜紀

祥異 蠲賑附

唐玄宗開元八年鄧州三雅口大塞谷或見二小兒以
水相沃須臾有大蛇十圍張口仰天人或斫射之俄
而暴雨飄溺數百家

十年五月唐鄧大水

十五年七月鄧州大水

武宗會昌元年七月關東山南唐鄧等州大水

五代晉齊王開運二年冬十一月穰縣和平鄉符合歡

有司圖畫以聞

宋太宗淳化五年雨水害稼蠲宋毫鄧蔡等州租

至道二年蠲襄唐隨鄧等州去年逋租

真宗景德四年鄧州江水暴漲

天禧四年拔唐鄧等八州常平倉賑貧民

仁宗天聖七年三月詔契丹饑民送唐鄧等州以閒田處之

哲宗元符二年鄧州禾合穗

徽宗大觀四年鄧州大水

政和五年鄧州仙井監嘉禾合穗

元順帝至元元年大霖雨三十日湍河白河大溢

明英宗天順七年十月二日自南陽赴鄧將至白馬寺

時微雨且晴忽見西南有黑物在薄雲間蜿蜒如圈
者其首莫可辨惟身顯然若草書雲字之狀忽又有
一白物在其下如乙字然相去尺許久之始滅人皆

言龍闔云

出劉昌懸
筭瑣探

憲宗成化十八年鄧州產嘉禾

孝宗弘治六年鄧州產瑞麥兩岐嘉禾九穗紫芝並頭

蓮珊瑚核桃

武宗正德三年大暑

四年秋大水民多死徙

六年夏大水害稼民多溺死知州于寬申奏蠲稅三分十六年正月朔地震

世宗嘉靖七年秋大旱民多饑死至八年春尤甚

二十二年夏湍河水溢壞民廬舍及外城門者數步

三十四年夏鄧州產瑞麥屢歲不登至是有年

是年十二月十三日夜分聞風雨聲自西北來鳥獸皆鳴已而地震聲轟如雷凡再時乃已

四十二年六月鄧州產嘉禾

穆宗隆慶四年災荒民多饑死

神宗萬曆二十一年水荒民相食

三十一年水荒瘟疫歲大饑人相食及枕藉死者甚衆而民不思亂亦累世深澤所致然沴氣已見於此矣三十九年暴雨兩月河水數溢害稼

莊烈帝崇禎五年五月湍刁兩河泛溢水侵外城民多溺死

是年冬大雪深者及丈樹多凍死

六年羊生兩頭四眼

七年夏蝗旱

八年夏蝗旱民大饑

九年夏蝗旱民相食群盜橫起

十年河魚大上鸛鶴來巢

十四年冬慧星見

十五年夏霾秋七月地震有聲如雷

十六年夏六月大雨雹

國朝順治八年秋七月大水湍刁兩河交溢漂民廬舍壞

田數千畝

九年秋桃李華

十年六月地震有聲如雷 秋七月大水湍刁兩河交

溢漂民廬舍壞田數千畝

十一年六月大水

十五年四月產嘉麥穗長尺餘歲大有

十六年六月旱禾枯死

十七年三月霪雨秋旱歲饑

十八年大饑民刮樹皮爲食秋瘟民死大半

康熙二年歲大有

三年五月大水瓜果不實

四年六月災疫

五年五月大暑牛瘟

六年冬十一月大雪平地深三尺

七年秋七月二十七日戊刻地震有聲河水沸騰移時止

八年秋七月霖雨傷稼

九年五月大水傷稼歲凶

十年夏四月連雨麥兩岐歲大有

十一年六月旱六畜災

十二年六月大風雹數日禾苗傷

十三年夏四月暴風雨河溢傷禾歲饑

十四年五月湍河刁河二水交溢平地數尺壞廬舍傷

禾稼民多溺死

十五年冬大雪深數尺禽獸草木多凍死

十六年夏兩河復溢逼外城

十七年春正月風霾數作瘟疫盛行民死大半牛疫

十八年河南南汝三府大饑巡撫都察院董國興據詳

疏請

特命刑部侍郎查庫協同巡撫都察院董國興臬司石琳
巡道彭襄南陽府知府張文明巡行賑濟鄧自戊午
瘟疫盛行民死大半牛斃盈野土地荒蕪饑饉荐臻
知州楊威盛具詳申報發粟米七百五十一石四升
逐名給散全活饑民一千九百七十名口

十九年再饑 彗星見

二十年夏四月黑虫食麥數日後有黃螂盡捕食之歲始稔

二十一年六月產嘉禾

二十二年冬十月二十一日巳時天四霽無雲忽空中有聲如雷移刻乃止

二十三年夏大旱自五月不雨至八月始雨

二十四年冬十二月免民欠一千六百餘兩及明年田租之半

二十五年秋七月霖雨傷稼 十二月二十一日夜城

隍廟災

二十七年六月大水

二十八年五月旱 秋雨雹

二十九年春風霾牛瘟死殆盡 秋大旱川澤幾涸

是年十一月大雪四十餘日平地深數尺窮民有凍死者
樹木皆枯

三十年牛瘟死殆盡

是年免地丁銀一萬九千三百餘兩

三十一年瘟疫盛行自正月至七月死傷無筭 秋七

月蝗

三十二年靈芝生

是年三月蝻蝻生俄大雪凍死 秋七月不雨至次年

正月始雨

雍正六年四月大雨至五月方止麥禾盡爛死田中

乾隆十三年州民鄧君惠妻何氏一產三男給米布銀
五兩

十四年夏六月大雨湍白二河水溢壞民廬舍冲溺死
者甚衆

十九年三月六日雷聲微震有鄉民見烟氣繚繞屬於
地復繚繞而上掘之得一石甚熱報官貯於庫

按石無他

異蓋鄉民掘地既無所得而此石尚懸遂
取以獻其實烟雲繚繞上下不知何故也

兵變

〔周〕桓王十年蔡侯鄭伯會於鄧

始懼楚也

十七年楚鬬廉帥師及巴師圍鄧鄧養甥聃甥救之大
敗

莊王九年楚子伐鄧

僖王四年楚伐鄧滅之

赧王十四年秦伐韓取穰

三十六年秦白起伐楚取鄢鄧西陵

漢高祖起兵畧南陽信成君酈商從攻下宛穰定十七

縣

王莽地皇三年南陽荒饑光武招新市平林兵與其帥

王鳳陳收西擊長聚進拔棘陽與王莽前隊大夫甄

阜屬正梁邱賜戰於小長安漢軍大敗還保棘陽

安今鄧

州東

初平帝時趙孝王良舉孝廉爲蕭令光武兄弟少孤良撫循甚篤光武起兵以事告之良大怒曰漢與伯升志操不同今欲危亡而反共謀如是旣而不得已從軍至小長安漢兵大敗良妻及二子皆被害

更始元年陰識遷偏將軍從攻宛別降新野清陽杜衍

冠軍湖陽

杜衍縣名在鄧州南陽縣西南

世祖建武二年遣吳漢進兵南陽擊宛涅陽鄧穰新野

諸城皆下之

三年延岑自武關出攻南陽下數城穰人杜弘率其眾

以從六月壬戌耿弇與岑等戰於穰大破之斬首三

千餘級生獲其將士五千餘人得印綬三百杜弘降

岑與數騎遁走東陽

按後漢書耿弇傳書此本在三年舊志誤爲二年而三年復據

本紀書之一事重見誤

祭遵引兵南擊鄧奉弟終於杜衍破

之

亦三年事舊志作二年誤

十一月建義大將軍朱祐率祭遵

與延岑戰於東陽

聚名在今鄧州南

斬其將張成

四年延岑復寇順陽間遣鄧禹護復漢將軍鄧曄輔漢

將軍于匡擊破岑於鄧追至武當復破之岑奔漢中

餘黨悉降

建安二年驃騎將軍張濟自關中走南陽因攻穰城中
飛矢死

唐高祖武德元年十月朱粲自稱楚帝取唐鄧州刺史
呂子臧死之

三年四月辛酉王世克陷鄧州總管雷四郎死之

僖宗中和元年三月辛亥黃巢陷鄧州執刺史趙戎五
月忠武監軍楊復光師次鄧賊將朱溫何勤逆戰大
敗遂收鄧州

昭宗光化元年八月戊午朱全忠陷鄧州執刺史國湘